

Turcæ nusquam refugio reperto, præcluso ponte ad reliquum exercitum aditu, omnes fere cæduntur, reliqui in Savo & Kulpa fluminibus salutem quærentes submerguntur. Pars reliqua Exercitus Turcici, cum a suis infelicissime pugnatum videret, turpiter fugit; ac tandem nostri auxiliante Deo xxij Junij Anno ciorxciii Civitatem arctissima obsidione liberant.

Bosnia.

Liburniæ Orientalem plagam *Bosniam* hodie dicunt a *Bessis* Inferioris Mœsiæ populis: qui inde a Bulgaria ejecti in hanc Superiorem Mœsiam migrarunt, ac mutato e in o litera, pro *Bessis*, *Bossi* & *Bosni* dicuntur: atque inde *Bosna* & *Bosnia*. Quales mutationes in multis alijs proprijs nominibus sæpe facta videmus, ut olim *Melita* & hodie *Malta*, *Longones*, & *Lingones*, *Schandia* & *Schondia* &c. *Bosnia* Vrbs est *Jaizga* in edito Monte sita, quam duo amnes circumfluunt, præruptisque rupibus & vadis obfirmant. Ad radices Montis & ad ambitum urbis amnes illi confluunt, admixtique una in Savum feruntur. Bosnenfis regni hæc ante tempora nostra Caput erat, cum inexpugnabili Arce, ac Hostibus inaccessibili. Habet regio & alias quasdam insignes Civitates, præsertim *Schwonizam* & *Warbosayne*, quam aiunt hodie esse Metropolim, sed nullo cingitur Muro. Milliatzka fluvius dirimit eam in duas partes, &c.

Regio & unde dicta.

Urbes.

Dalmatia.

Restat ut de Dalmatia, cuius etiam partem hæc Tabula delineat, pauca subjungamus. Ea a *Delminio* civitate gentis Metropoli nomen habere putatur. Fuit olim Dalmatia potentissima regio, atque ipsi Dalmatæ olim potentes armis & opibus, situ etiam confidentiores fuerunt. Agebant plerumque sub Silvis, inde in latrocinia promptissimi. Vrbes sunt *Salanum*. Hic supersunt aliquæ reliquæ *Dio-* *detiani*, qui hoc loco, uti patria sua, afficiebatur, *Raguzium*, de quo supra. *Castel novo* ad ostium sinus *Rizonici* ab antiquis vocati. *Catarum* optimum habens portum. Atque haud procul a limitibus huius Regionis sita est ad mare *Civitas Apollonia*, iuxta quam est petra quæ flammam ignis evomit, & infra eam ebulliunt aquæ calidæ, & bitumen, præsertim quando petra ardet. Ecclesiastica porro administratio ad hanc Tabulam pertinet ex Provinciali Romano apud Mercatorem talis: Archiepisc. *Jadra* quam nunc *Zaram* dici putant. Cui sub sunt *Anzara*, *Vegla*, *Arbe*. Archiep. *Spolato*, sub quo *Traguriam*, *Tenensis Tina*, *Sardona*, *Temnensis*, *Nenensis*, *Nonensis*, *Almisa*, *Sibinicensis*, *Farenfis*. Archiep. *Ragusiensis*, vide in Tabula Græciæ & Macedonia, sub quo *Stagnensis*, *Rossonensis*, *Risine* opinor: *Tribunensis* *Trebinna*, *Catara*, *Bacensis*, *Rosensis*, *Bidmanensis*, *Budoa*, Archiepisc. *Antibarenfis*, in Tab. Macedonia, sub quo sunt *Dulcinum*, *Snacinenfis*, *Drinastensis*, *Polastrenfis*, *Scodrenfis*, *Sardensis*, *Surtanensis*, vel *Acittarenfis*, *Arbensis*.

Regio & unde dicta.

Imperium majorum.